



LKIM

## MAKLUMBALAS DARIPADA KENYATAAN AKHBAR UTUSAN MALAYSIA BERTARIKH 30 OGOS 2021 (MELAKA ) DAN BERITA HARIAN BERTARIKH 1 SEPTEMBER 2021 (PAHANG)

---

1. Berhubung isu yang diketengahkan oleh media baru-baru ini iaitu akhbar Utusan Malaysia bertarikh 30 Ogos 2021 mengenai lambakan Udang Harimau di Melaka dan akhbar Berita Harian bertarikh 1 September 2021 berkaitan Ikan Patin Sangkar di Negeri Pahang. Isu sebenarnya adalah berkaitan Udang Harimau dan Ikan Patin adalah pengeluaran secara berjadual yang tidak dapat dipasarkan disebabkan penurunan permintaan di peringkat pengguna akhir.
2. Bagi menangani isu tersebut, Lembaga Kemajuan Ikan Malaysia (LKIM) menawarkan langkah jangka pendek bagi membantu memasarkan Udang Harimau di Melaka antaranya seperti berikut;
  - i) Telah mengadakan rundingan dengan kilang memproses udang di Johor Baru dimana A&O Food Industry bersetuju untuk membeli sebanyak 2 tan udang bagi setiap satu kali pengambilan secara berperingkat-peringkat Udang ini akan disejukkbeku untuk pasaran luar negeri dan udang segar ini akan dihantar ke Singapura.
  - ii) Usaha mencari ruang pasaran tempatan di Selangor dan Terengganu telah dilakukan dan mendapat maklumbalas yang memberangsangkan dari pembeli
  - iii) Pemasaran secara terus melalui platform sediaada seperti kerjasama yang dijalankan bersama **NEKMAT** bagi **pasaran online** dan juga secara **Cash On Delivery (COD)** selain dari peniaga runcit individu
3. Bagi pemasaran Ikan Patin di Negeri Pahang pula, langkah segera yang boleh membantu penternak adalah seperti berikut:
  - i) Menyediakan saluran pemasaran melalui Pusat Pengumpulan dan Pengedaran (CCDC) Ikan Air Tawar. Terdapat sebanyak **14 CCDC di seluruh negeri Pahang di lokasi**
    - Pekan : 3 buah
    - Kuantan : 1 buah
    - Bera : 3 buah

- **Temerloh** : **5 buah**
- **Lanchang** : **1 buah**
- **Triang** : **1 buah**

- ii) Pembelian oleh Persatuan Nelayan Kebangsaan (NEKMAT) dan Persatuan Nelayan Kawasan melalui geran modal pusingan pemasaran ikan oleh LKIM.
  - iii) Memudahkan padanan pasaran dengan membuka kepada mana-mana peniaga ikan dan usahawan pemprosesan seluruh negara untuk mendapatkan secara terus dari penternak yang terjejas.
4. Langkah yang diambil ini dijangka dapat membantu mengatasi kerugian dan memberi kelegaan kepada penternak udang harimau di Melaka dan Ikan Patin Sangkar di Pahang untuk memasarkan hasil pengeluaran mereka.
  5. Sementara ini, mereka yang terjejas dinasihatkan supaya menyusun semula jadual yang disesuaikan dengan situasi semasa bagi mengelakkan kerugian pada masa akan datang.
  6. Pasaran akan kembali pulih sedikit masa lagi dengan pembukaan sektor-sektor yang menyumbang kepada permintaan seperti industri makanan dan minuman (F&B), hospitaliti , pemprosesan serta pasaran import eksport melalui perubahan Fasa Pelan Pemulihan Negara (PPN) dan pemulihan COVID-19 dengan kadar vaksinasi negara ke arah imuniti kelompok dalam kalangan rakyat.

**-TAMAT-**

**Unit Komunikasi Korporat  
Lembaga Kemajuan Ikan Malaysia (LKIM)  
Kementerian Pertanian dan Industri Makanan (MAFI)  
3 September 2021**

\*\*\*\*\*